

Date – 14/11/2025
Time - 7:30 -7:40 Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Dampa Assembly bial bye election vote tlate chu tukin dar 8 atang hian Mamit DC conference hall ah chhiar tan a ni ang.
2. Lai Autonomous District Council inthlanpuia chuh tum te hming pekluh hun chu vawiin chawhnu dar 3 ah khar a ni ang.
3. Tukin dar 8 atangin Bihar Assembly inthlan vote chhiar a ni dawn.
4. Calcutta High Court chuan India leh Bangladesh ramri hung chungchangah West Bengal sawrkar chu affidavit thehlut turin a hriattir.

<><><>

DAMPA COUNTING PREPAREDNESS

Dampa Assembly bial bye election vote tlate tukin dar 8 atang hian chhiar turin inbuatsaihna engkim peihfel a ni a.

Dampa Assembly bial bye election tluang tak a neih zawh tak a nih hnuah tukin dar 8 atangin vote tla te chhiar tan a ni dawn a, vote tla te hi Mamit DC conference hall ah dawhkan 9 ah chhiar tur a ni a, postal ballot a vote tla te chhiarna turin a hranin dawhkhan 1 ruahman a ni bawk.

EVM a vote tla te chhiar zawh a nih hnuah a in mil leh mil loh fiah nan polling station pawh chawp a VVPAT 5 te chu chhiar leh a ni dawn a ni.

Vote chhiar tur dawhkan tinah hian Counting supervisor, Counting assistant leh observer te an thu dawn a ni.

Kan corr zawhna chhangin Dampa Bial by-election result vawiina puan turah ZPM leh MNF chak thei dinhmunah an ding ve ve niin mithiamten an sawi.

Akashvani News Aizawl zawhna chhangin ICFAI University-a Poltical Science Professor Dr. Lalengkima chuan Dampa bial by election ah hian ZPM leh MNF chu tling thei dinhmunah an ding ve ve a hetihlai hian a tu a zawk zawk pawh tling se vote tam tak chuan an tling kher lo maithei a ti a. ZPM chu sorkarlai an nih avang leh West Phaileng pa, Pu Vanlalsailova candidate atana an din tir avangin Mizoram by-election lo awm tawh te enin tlin theihna an nei sang hle a, engtikawng pawhin final lut tura rin a ni a ti a, hetihreal hian ZPM candidate Pu Vanlalsailova chu ZPM chhung leh pawn lam atangin mi fel leh tha tak ni mah se dan siamtu ni tur atan chuan tling tawh lo ni a ngai an tam hle niin a sawi a ni.

Hetihlai hian Dr Engkima chuan MNF tan Dampa bial chu bial him a nih bakah MNF candidate atan Politics thu kal lam leh haw lam hre tak, huhang nei zet mai Dr Lalthangliana an din tir a, kum 2023 Assembly

inthlanpuia ZPM boruak tleh that lai bera MNF an tlin bakah Dampa bialtu Pu Lalrintluanga nen in thiantha tak an loh nih bawk avangin Dampa bialah hian MNF chu an vung fu thei a, an chet chhiat a rinawm loh tih a sawi a ni.

Dr Lalengkima chuan Dampa bialah minority chakma leh Bru te chuan vote sang 5 chuang an nei nia sawi a ni a ti a, Dampa bial by-electionah hian Congress Party chu an che chhe viau thei lo tih sawiin, Congress candidate Pu John Rotluangliana leh Congress party chu Dampa bialah hian an tal tam thin hle avangin Congress chuan rin aiin vote an hmu tam thei a, hetihlai hian an tlin em chu a rinawm lova, deciding factor an nih theih a rinawm a ti a ni.

BJP candidate Pu Lalhmingthanga chu West Phaileng khaw mi a nih bakah ZNP leh MPC thawhdun laia lo ding tawh a ni a, kum 2023 Assembly inthlanpuiah ZPM tan a ding mai tura sawi a nih laiin Congress ticket in a ding a, party hrang hrang a inhruipawh tir tih sawiin, Union Minister ten an campaign pui bawk avangin dehkhirh tak tura ngaih a ni a ti a, hei balah hian BJP Mizoram President ah Dr K Beichhua a nih hnu phei chuan Mizoram pumpuiah BJP chuan hma an sawn chak hle a, Party dangte tan pawh khinpui an hautak tawh hle tih a sawi a ni.

Puan tawh thin angin Dampa bial bye election ah hian EVM ah mipa vote 8921 leh Hmeichhia vote 8430 avaiin vote 17351 a tlaa, zaa 83.07 a tling a ni. Home voting kum upa 57 tan ruahman a ni a, pwd rualbanlo 5 an vaiin vote 62, EDC vote 7 leh postal ballot vote 10 atla, Service vote 14 a tla bawk a, a vaiin postal ballot ah vote 93 a tla a ni.

<><><>

LADC NOMINATION

Lai Autonomous District Council inthlanpuia chuh tum te hming pekluh hun chu vawiin chawhnu dar 3 ah khar a ni ang.

Nimin atang khan candidate ten nomination file tan tawhin, ZPM, MNF leh Congress Party candidate bakah Independent candidate 1 in an file a, hming pe lut zawng zawng hi mi 21 an ni a, Returning Officer 3 hnenah an hming hi an thehlut a ni.

Hetihlai hian, Political party te chuan an candidate tur an ti hman lo hlawm a, vawiin thleng hian an puan belh zel rin a ni a, nimin khan BJP Mizoram leh Congress Party ten puan belhin, party tin seat chuh tur zat pawh hi vawiin hian a chiang chauh ang.

Nimin khan BJP Mizoram President Dr K Beichhua chuan an party pisa ah thla thar December ni 3-a Lai Autonomous District Council a, MDC General Election neih tura MDC bial 8- Chawngte P, M Kawnpui, Sangau East, Sangau West, Bualpui East, Bungtlang South, Sekulh, leh Sakeiluia BJP Party Official Candidate tur te a puang a. Akashvani News Aizawl zawhna chhangin, Dr K Beichhua chuan a thawhkhat nan candidate 8 te hi an puang phawt tih sawiin, candidate puan hmabak te chu nomination file hman turin an puan ring a ti a. LADC inthlan lo awm turah hian Party dang nen thawhho tumna an nei lo tih a sawi bawk a ni.

Congress party chuan a thawh hnih nan LADC MDC General Election lo awm tur atana an party official candidate tur mi 2 te chu nimin khan an puang bawk a.

MPCC Vice President Pu C Ngunlianchunga MLA chuan Lawngtlai-a Lai District Congress Committee, Hqrs-ah LADC MDC bial pahnih- Bualpui Ng East candidate turin Pu Laltlawmlova Chinzah leh Tuithumhnar Constituency candidate turin Pu H Vanlaltanpuia te ruat an nih thu a puang a, heti hian hun hma lama candidate an puan tawhte n n bial 12 -ah official candidate an ti chhuak tawh a ni.

<><><>

DENGUE

Aizawl leh a chhehvelah Dengue natna a hluar mek a, kumina Dengue natna hmuhchhuah zawng zawng atangin AMC huamchhunga mi chu 975 niin, za zela 52.82 a tling a ni.

Dengue natna hluar chungchang-ah hian Health Dept hnuaia State Vector Borne Disease Control Programme chuan nimin khan ni 2 chhung aw h turin ATI Auditorium, MINECOah Aizawl Municipal Corporation (AMC) huamchhunga Local Council 87 atangin member 2 zel kokhawmin Dengue natna chungchanga inzirtirna leh invendan bakah khawtlang te nena Dengue tirem tura thawh ho dan tur sawihona hun an nei a ni.

Mizoramah kumin Jan thgla atanga Nov thleng hian Dengue natna exam zat chu 27950 niin, Dengue natna hmuhchhuah zat chu 1846 a ni a, kumin chhung hian Dengue natna avanga nunna chan 1 a awm tawh bawk.

<><><>

MYANMAR BORDER

Mizoram leh Myanmar inrina bul khaw thenkhatah khawthalo a len avangin Siaha DC Office Chamber -ah hma lak dan tur relin DC Pu VL Hruaizela Khiangte kaihruai meeting nimin khan neih a ni a,

Siaha district Chief Medical Officer, Dr. Lalrengpuii Ralte sawi danin, tun thla ni 5 khan Lomasu khuaah damlo nei tanin, Lodaw khuaah ni 11-ah damlo an awm tih hriat a ni a, tun dinhmunah Lomasu khuaah damlo 14 awmin, Lodaw khuaah damlo 4 an awm mek a, mi 3 an thi tawh bawk a ni.

Khaw pahniha tui leh ek sample hi Zoram Medical College & Hospital-a endik turin ruahmanna siam a ni. Mipui vantlang tan hriselna lama inkaihhruaina siam ni bawkin Joint VC Siaha district kaltlangin puanzar a ni bawk.

Lomasu leh Lodaw khua hi Myanmar nena inkalpawh awlsam tak niin raltlan thahnem tak an awm bakah lirthei leh ke-a lehlanga ni tin inkal pawh thin eng emaw zat an awm thu sawilan a ni bawk.

<><><>

AIZAWL DAMC

Aizawl District Agriculture Marketing Committee (DAMC) DC Pu Lalhriatpuia hova nimina thukhawm chuan Sawhthing hralh hna felfai leh

sawt zawka kalpui a nih theih nan Chamring leh Zuangtuiah Secondary Collection Centre din belh nise, an ti.

Aizawl District Agriculture Marketing Committee thutkhawmnaah hian Aizawl district chhunga Rural Development Block hrang hranga Sawhthing lei leh hralhna hmanpui, Secondary Collection Centre (SCC) dinhmun thlirletna hun neih a ni a. E. Phaileng, Thingsul, Aibawk leh Sairanga Sawhthing lei leh hralh chhuah dinhmun thlirletna atangin Sairang SCC chu thiah a, Zuangtuiah SCC din belh leh Aibawk SCC chhawk zangkhai turin Chamringah SCC din bel tura hmalak a tul thu tarlan a ni. Felfai leh mumal zawka SCC kalpui a nih theih nan SCC enkawl tur thlan chhuahna kawngah Sawhthing thar chhuak tam khuate chu nasa zawka inhmang lehzual tura ruahman ni se, tih rel a ni bawk.

Mizoram Agricultural Marketing Board (MAMB) ruahmanna angin DAMC thutkhawmnaah hian, SCC hruiatute tha tichak tur leh puitu tur, Sawrkar hnathawk lai atangin SCC Supervisor ruat dan tur rel nghal a ni a. Supervisor mawhphurhna leh an hnathawh dan turte sawiho a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

BIHAR

Tukin dar 8 atangin Bihar Assembly inthlan vote chhiar a ni dawn..District 38 huamchhungah counting centre 46 siam a ni a. Puan tawh angin Bihar Assembly inthlan hi thawhnhniha neih niin Assembly bial 243 ah inthlanna buatsaih a ni a. Candidate 2616 dinhmun hi naktukah tihchian a ni dawn a. Bihar Chief Electoral Officer Vinod Singh Gunjiyal chuan Akashvani News a hriih danin inthlannaa hman EVM leh VVPAT te chu strong room ah venhimna khauh tak hnuaiah dah a ni a. Pu Gunjiyal-a chuan vote chhiarna tur counting centre ah te hian venhimna tha tak ruahman a ni a ti a. Central Armed Police Force leh State Police te dah an ni a. CCTV hmagna uluk taka vil reng a ni a ti bawk.

<><><>

CALCUTTA HC

Calcutta High Court chuan India leh Bangladesh ramri hung chungchangah West Bengal sawrkar chu affidavit thehlut turin a hriattir. Bangladesh ramriah hian thir len hmanga ramri hung phutin High Court ah hian PIL thehluh a ni a. Court chuan he thu hi ngaihtuahin West Bengal sawrkar chu ni 15 chhungin affidavit thehlut turin hriattirna a pe ta a ni. West Bengal hian Bangladesh nen ramri km 2216 a thui a nei a. Hmun tam zawkah chuan ramri hung anih loh avangin dan kalha ramri kan leh bungraw tawlhruk a tam hle nia thudawn a ni.

<><><>

UNION HOME MINISTER

Union Home Minister Amit Shah-a chuan Delhi-a car puaka mawhphurtute chu na taka hrem an ni ang a ti. Pu Shaha chuan mawhphurtute hremna hian khawvel hmuhah firfiaka chetna India in a dem zia thuchah kengtu a ni ang a ti a. Nimina Gujarat-a Motibhai R.Chaudhary Sagar Sainik School leh Sargar Organic Plant a hawnnaah he thu hi sawiin Pu Shaha chuan kha chhiatna thlenga mitthi chhungte an tawrhpuithu a sawi bawka ni.

Puan tawh angina Thawhtan zan khan New Delhi-a Lal Quila Metro Station bula car puakah mi 8 an thi a. Delhi Police Commissioner Satish Golcha sawi danin lirthei pakhat muangchanga red light-a a din hnu lawkah a puak zui nghal a. Hei hian a bul vela lirthei nasa takin a ti chhe bawka ni.

<><><>